

Broj: 01-899/24-6

Datum: 11.06.2024. godina

Na osnovu člana 64. stav (1) tačka a), člana 70. Zakona o javnim nabavkama („Sl. glasnik BiH“, broj 39/14 i 59/22), te na Preporuku Komisije za javnu nabavku broj: 01-899/24-5 od 10.06.2025. godine, u postupku javne nabavke usluge osiguranja LOT 1 - Osiguranje vozila i radnih mašina, direktor JKP „Komunalac“ d.o.o. Tuzla je donio

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 01-899/24-5 od 10.06.2024. godine i ugovor za javnu nabavku usluga osiguranja – osiguranje vozila i radnih mašina LOT 1 se dodjeljuje ponuđaču „Adriatic osiguranje“ d.d. Sarajevo, podružnica Tuzla, ponuda broj: 245435192 od 17.05.2024. godine, za ponudenu cijenu 26.205,00 KM bez PDV-a kao najbolje ocijenjenom ponuđaču.

Član 2.

Prijedlog ugovora dostavit će se na potpis izabranom ponuđaču „Adriatic osiguranje“ d.d. Sarajevo, podružnica Tuzla, u roku od 10 dana, računajući od dana kada su svi ponuđači obaviješteni o izboru najpovoljnije ponude.

Član 3.

Ponuđač kojem je dodijeljen Okvirni sporazum je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14 i 59/22), u roku od 5 (pet) kalendarskih dana. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

Član 4.

Ova odluka objavit će se na web-stranici www.komunalac.com.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-899/24-1 od 13.05.2024. godine.

Javna nabavka je provedena putem Konkurentskog zahtjeva za dostavu ponuda. Procijenjena vrijednost javne nabavke LOT 1 bez PDV-a je 30.000,00 KM. Obavijest o nabavci broj: **781-7-2-142-3-81/24** objavljena je na Portalu javnih nabavki dana 23.05.2024. godine.

Komisija za javnu nabavku imenovana je Odlukom broj: 01-899/24-2 od 13.05.2024. godine. Komisija za javnu nabavku dostavila je Zapisnik o ocjeni ponuda broj: 01-899/24-4 i Preporuku o izboru najpovoljnijeg ponuđača broj: 01-899/24-5 od 10.06.2024. godine, u postupku javne nabavke usluga osiguranja LOT 1 - Osiguranje vozila i radnih mašina.

U postupku dalje je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri) ponude
- da je blagovremeno zaprimljeno 3 (tri) ponude.
- da nije bilo neblagovremenih ponuda
- da su 2 (dvije) ponude nepravilne
- da je 1 (jedna) ponuda prihvatljiva.

Ponuda ponuđača „Sarajevo osiguranje“ d.d. Sarajevo nije pripremljena u skladu s tenderskom dokumentacijom, u skladu s tačkom **4.9 Način određivanja cijene ponude**. Ponuđač „Sarajevo osiguranje“ d.d. Sarajevo u svojoj ponudi nije ponudio cijene u skladu s **ODLUKOM O IZMJENAMA ODLUKE O NAČINU UTVRĐIVANJA TARIFE PREMIJE I CJENIKA ZA OSIGURANJE VLASNIKA VOZILA OD ODGOVORNOSTI ZA ŠTETU PROUZROKOVANU TREĆIM OSOBAMA broj: 01-2937-2/23 od 30.08.2023. godine (Sl. novine FBiH broj 69/23)**, naime za vozila pod rednim brojem 1 i 2 obrasca za cijenu ponude ponuđač je ponudio premiju osiguranja iz tarifne grupe za radna vozila, dok se ista osiguravaju kao teretna vozila, obzirom da u potvrdi o vlasništvu i potvrdi o registraciji stoji oblik karoserije SG - Specijalno - Cisterna. Nadalje, pomenuti ponuđač je za stavke 9 i 10 u obrascu za cijenu ponude ponudio premiju osiguranja iz tarifne grupe za radna vozila, dok se ista osiguravaju kao teretna vozila, u skladu s podacima datim u tabeli s dodatnim podacima datoj u tenderskoj dokumentaciji a koja je napravljena na osnovu podataka iz potvrda o vlasništvu i potvrda o registraciji. Obzirom na sve navedeno, ponuda ponuđača „Sarajevo osiguranje“ d.d. Sarajevo je nepravilna u skladu s članom 2, stavka (1) tačka 3) Zakona o javnim nabavkama BiH, te ista nije predmet dalje ocjene.

Ponuda ponuđača „Triglav osiguranje“ d.d. Sarajevo nepravilna u skladu s članom 2, stavka (1) tačka 3) Zakona o javnim nabavkama BiH, obzirom da je pomenuti ponuđač u ponudi dostavio obrazac za cijenu ponude iz prve verzije tenderske dokumentacije, a ista je bila predmetom promjene Izmjenom tenderske dokumentacije I od 29.05.2024. godine. Uvidom u izvještaj o preuzimanje tenderske dokumentacije konstatovano je da pomenuti ponuđač navedenu Izmjenu tenderske dokumentacije nije ni preuzeo. Obzirom da je u okviru

obrasca za cijenu ponude došlo do bitnih izmjena, koje su u konačnici uticale na vrijednost ponude. Shodno svemu navedenom Ponuda ponuđača „**Triglav osiguranje**“ d.d. Sarajevo nepravilna, te ista nije predmet dalje ocjene.

Komisija je dalje utvrdila da je ponuda ponuđača „**Adriatic osiguranje**“ d.d Sarajevo, podružnica Tuzla, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način, te da ima ekonomski najpovoljniju ponudu, odnosno najbolje ocijenjenu kvalifikovanu ponudu u predmetnom postupku nabavke. Obzirom da je kriterij za dodjelu ugovora „ekonomski najpovoljnija ponuda“ odlučeno je kao u članu 1. ove odluke.

U postupku donošenja ove odluke, posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.



Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1. Tačka a) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi u najmanje tri primjerka.

Dostavljeno:

1x „Adriatic osiguranje“ d.d. Sarajevo
1x „Triglav osiguranje“ d.d. Sarajevo
1x „Sarajevo osiguranje“ d.d. Sarajevo
1x aa

 Direktor

Mr.sc. Admir Bećirović